

中国文献珍本丛书

明·沈节甫辑

纪
录
汇
编
(三)

中华全国图书馆缩微复制中心

紀錄彙編卷之一百二十

明詩評叙

王世貞

昔者李氏旅泰山益夫子傷之於乎泰山辱也卽泰山不李氏旅何病等云唐開元大曆間詩道邁日中而少陵氏出湛於詩而一時高岑王孟者流方廣競逐各傾其人人少陵氏不能離而獨尊其尊固在也宋人出而論詩者亡慮數百千家靡不皇皇然首推右少陵氏一時諸公縮焉而莫抗而要究所稱說乃逐景研鑿鑿空附麗標私其師言而未有刻剴精致

紀錄彙編卷一百二十

陽將刊

推始究變當於作者之旨見以爲尊少陵氏然耶何宋人旅也明興士大夫膏肓勝國之遺然各悉其志力往往偏到偶遇而文宣二主寔號嚮賓大雅潤色鴻度而鉅公先生無以奉稱下風僅構臺閣體其所顯爵清穆聲施焜赫卒以此故大抵緣勢襲名緣名易聽緣聽生俗斯道其塗哉益少陵氏歿二千餘年而此地李夢陽出其淵朗洞識契宗始掃而歸之少陵氏超悟頓解間得於青蓮海內操觚之士疑駭中半已漸翕然趨奉而信陽何景明與下上而左右之才力互稱弘正之間和薰祓於寓宇譬景星雲物磨

紀錄彙編卷一百二十

持

皇之類並輝而駢見作者寧無栩栩揚氣於冥漢耶二子迺後進麥詐鮮識嗜其其名揣未易加也曰鉤摘而攻之曰李子惡能自爲詩夫李子少陵氏盜俠耳又曰何子易易足竟也甚者則及少陵氏矣大王父審言雲卿延清之屬豈不凌駕遠邁乎哉又進而江鮑徐庾亡得也割裂支離蠅啜其餘馥謂爲華薌而示之人也沾沾喜且交譽矣東方之杼浩漾汪洋窮瞬莫際續蔓曷底漲有流沙觸而闕舟舟人忿自咤曰惡駭是溟渤深哉余舍傍溪無闕舟也夫不知而尊之奚等也不知而不等之又奚不等也世貞既

辭卿學官少知所創艾且莫諷少陵氏集於道漸有所窺近旣而得李何二君集而讀之未嘗不掩卷三歎也宏規卓思具體而微間有一二相襲猶未悟象外非若抵掌談笑而效叔敖者也卽世所鉤摘語過矣過矣歷下李攀龍貝人謝榛與予友盛能言少陵氏其所詣力逐二子謝少推不能勝李神采奕奕逼且度之而見輒歛衽遜二氏功以爲泰山北斗云

明詩評目錄

卷一

李君夢陽

何君景明

李君攀龍

徐博士禎卿

謝山人榛

高按察叔嗣

邊尚書貢

鄭郎中善夫

薛孝功蕙

馬侍郎汝驥

喬三石世寧

高大師啟

孫山人一元

唐司諫順之

華學士察

王裕州廷陳

紀錄彙編卷一百二十

三

楊脩撰慎

嚴少師嵩

王太保廷相

王僉事謳

卷二

常評事倫

皇甫僉事湊

王檢討九思

袁侍御凱

曹布政嘉

顧尚書璘

王宮諭維禎

祝京兆允明

王大學寵

陳提學束

徐邑令獻忠

施邑丞漸

朱叅政應登

屠宮諭應峻

袁提學袞

劉尚書崧

劉司空麟

楊按察基

汪丞相廣洋

王博士偁

陳山人鶴

張脩撰泰

劉中書彥昂

偶吏目桓

殷敎授奎

黃少詹佐

熊侍御卓

陸太常鈺

康脩撰海

唐解元寅

蔣叅政山卿

楊文貞士奇

林員外鴻

蔡孔目羽

紀錄彙編卷一百二十

四

卷三

曾少詹榮

陸詹事深

宋學士濂

王待制禔

劉布衣仔肩

劉布衣績

唐應奉肅

唐侍講之淳

浦舍人源

張汀州寧

吳文定寬

陳檢討獻章

王大僕韋

邵叅軍奎

沈居士周

文待詔徵明

楊儀部循吉

石文隱珪

劉布衣泰

馬布衣洪

張提學和

莊騷封景

王叅政慎中

唐太史順之

劉御醫溥

湯叅將胤績

王文靖璫

陳檢討繼

胡中丞纘宗

邵文莊寶

儲文懿嶠

岳脩撰正

卷四

解學士縉

張中丞楷

張興化琦

劉叅政昌

紀錄彙編卷一百二十

五

李

夏布政寅

張學士以寧

黃五嶽省曾

謝文肅鐸

廖學士道南

童庶子承叙

桑通判悅

張山人詩

張山人含

劉誠意基

許中丞宗魯

孫左司炎

王新建守仁

唐太宰龍

張太常羽

徐布政賁

江提學以達

汪廷尉文盛

蘇司馬祐

邵定襄登

于少保謙

林司寇俊

瞿長史祐

李布政禎

王威寧越

姚少師廣孝

夏少師言

李文正東陽

紀錄彙編卷一百二十

六

紀錄彙編卷之一百二十

明詩評一

王世貞

李君夢陽

李夢陽字獻吉慶陽人也從其父宦游之大梁遂家焉舉進士爲戶部主事遷員外郎時長沙公爲相稱能詩赫然奔走海內人士稍稍聞夢陽名自折盛欲相近而夢陽雅不欲乃日夜取左氏遷史騷雅李杜二家集風之其所作遂傳海內云而夢陽爲郎時嘗上書言外戚張氏及它論治體文甚

紀錄彙編卷一百二十

七

萬瑞

奇下獄矣 天子仁聖赦出不罪而久之 上崩太子卽位中貴人始夤緣把朝事將亂大司徒洪洞公憂之夢陽乘間說大司徒合六卿極論中貴人不勝夢陽坐具草放爲民三年以按察副使起視江西學政復坐與藩長構訐免獻吉度不可復用卽歸大梁邸中益讀書及爲詩文間從閭里俠少年射獵繁吹臺間它罷國守相使者慕獻吉踵贊幣一見而獻吉傲睨故不禮或時坐賓席使客侍坐客中已敬之不恤也獻吉玉立朗朗意無可一世居官雖僚案少忤卽手批之遇書有不記者

曰唐以下乎果然歸十六年卒卒年五十九所著集行於世

評曰此道蕪千餘年至夢陽始闢之社稷勛哉其詩如孫吳用兵奇正闔闢變化不窮又如蒼鶻擊空雲龍戲海健急怪偉種種入神

何君景明

何景明字仲默信陽人也少從師習春秋十六始改習尚書而遂以尚書魁於鄉二十舉進士授中書舍人景明秀而臞若不勝又和煦人人可自飾近之獻吉詩名重海內景明後出一日而與之齊

紀錄彙編卷一百二十

八

萬瑞

公卿縉紳先生亡不顧面何君者已謝病歸里中貴人瑾炫而惡稱病俱罷不叙景明亦罷瑾誅召復故官直內閣久之進吏部員外郎仍故直踰歲遷按察副使視關中學景明學政嚴而詳明人亡敢奸者三載謝病歸卒年三十九所著集行於世評曰景明詩如太華芙蓉秀出雲表朝霞貼水燦爛萬狀又如西施毛嬙工藝絕世婉嫵有情氣力少讓李夢陽燥燥動人頗自不減

李君攀龍

李攀龍字于鱗歷城人也舉進士今爲刑部郎中

于鱗於書無所不通爲人狷介忠信而好爲深沉之思當所未得或竟日夕忘食寢家故貧又官常調而絕不肯逐衆爲奸謁泊如也卽世所稱說名士亡可當于鱗云而于鱗顧折節與余好居恒相勉戒吾子自愛吳人屈指高譽達書不及于子故非其中人也予愧而謝之又嘗慨然稱少陵氏沒千餘年李何靡而未化天乎屬何人哉

評曰于鱗宏麗渾壯鮮所不有又濟之沉思假以數年奚讓二氏哉太嶽二室芝菌膠結光華若朝霞芬旨入九咽庶乎其近之矣

紀錄彙編卷一百二十

九

傳增

徐博士禎卿

徐禎卿字昌穀太倉人也舉進士爲大理寺副父之以不能其職下遷國子博士卒年僅三十三所著集行於世

評曰禎卿體質高朗雅短吏牘旣淹常調復爾下遷齟齬自可天折何甚王伯安志慕盛欲妝入門下非實錄也詩韻本清華調復古秀如白雲自流山泉冷然殘雪在地掩映新月又如飛天仙人偶游下界揖遜殊乏終然出塵使少加沉鬱之思微振渾灝之氣何李亡易也

謝山人榛

山人名榛字茂秦臨清人也貌醜一目弱冠爲俠齊魯間多度艷曲稍長折節讀書詩奕奕稱於人趙王聞而禮之致府已不自得游京師著遊燕集六卷

評曰茂秦介越之資祇以質異不問家人生產交遊泊如也卽其養素無好幾乎自然究其勇詣必底便可成佛李生同志寔深琢磨詩宗法少陵窮體極變原旨推用五七言律得其十九近時之麟鳳哉布衣風格從古未有孟浩然亦當退舍

紀錄彙編卷一百二十

十

傳增

高按察叔嗣

高叔嗣字子業大梁人也舉進士爲工部主事調吏部累遷驗封郎中謝病歸久之還爲郎中擢山西右叅政稍遷按察司乃卒年三十九所著集行於世

評曰叔嗣詩如高山鼓琴沉思忽往木葉盡脫石氣自青八工鈎削間傷局促夫其不壽此徵之然咳唾珠玑人倫之儔乎哉

邊尚書貢

邊貢字廷璧貝歷城人也弱冠舉進士授太常博士

擢戶科給事中遷太常寺丞出爲衛輝守久之以按察副使視湖廣學移病歸今 皇帝初召拜太常少卿遷太常卿累進南京戶部尚書尚書美姿風流饒吏事好交輿天下豪俠其所搜積今古文幾編屬 主上清明備閒秩亡所見稍稍游歷留司諸山水竟日夜而又好浮白多屈其坐人汪鉉時長憲心忌尚書名以爲罪論去之卒年五十七所著集行於世

評曰何李亦幟貢是鴈行羽儀詞林膾炙藝圃所惜者氣格少讓師友或踈耳詩如洛陽名園處處

紀錄彙編卷一百二十

十一

振

錦爛五陵遊俠裘馬千金雖復大雅不心醉乎五言律勝七言七言勝古

鄭郎中善夫

鄭善夫字繼之閩人也二十舉進士爲工部主事謝病歸起補禮部遷郎中再乞歸今 上初召爲南京吏部郎道卒所著集行於世

評曰善夫遭時不吊抗疏削跡日晏未炊欣然自如名山幽谷芒屨幾遍詩規放少陵兼目變故時寓幽憂或傷椎朴如黃河積水寒色千仞石骨巖巖俯入深澗連城之壁不損微瑕

薛考功蕙

薛蕙字君采亳人也舉進士爲吏部主事累遷考功郎中時議禮與新貴人忤不合中以它事下獄得白因謝病歸 皇太子立議宮坊臣 詔且用考功矣已病卒年五十三集今行於世

評曰蕙詩如刻錦雲霞疊石島嶼欲以人巧而擬自然未及大觀能亡激賞間作冲澹如落花游絲情致可喜稍更骨氣便復無儔矣五言古勝律五言律勝七言

馬侍郎汝驥

紀錄彙編卷一百二十

十二

振

馬汝驥字仲房闕中人也舉進士爲翰林庶吉士當授矣而會先上疏忤 天子詔特出爲州守今

皇初召還授編脩擢脩撰國子司業久之守南京通政叅議遂爲國子祭酒擢禮部右侍郎進兼學士卒年五十餘有集行於世

評曰汝驥詩如程衛尉屯西宮斥候精嚴兵騎雄整不無過苦之歎大抵有沉理而無玄趣然自關中諸公未能與之勁敵也

喬三石世寧

喬世寧闕中人也舉進士爲南京戶部郎擢四川

按察僉事尋遷副使視湖廣學士爲河南左叅政
評曰叅政趨本爾雅調亦清和規模沈宋時沿李
白劉生入塞寄王玉壘諸作如新月在樹晶晶瑩
瑩清泉倒澗琮琤琤九璧府之十珠林之隋也
楚政之後太簡率寡沉鬱之思昔人謂山川奇文
章何背馳爾耶

高太史啟

高啟字季迪吳人也元末往來避亂越中 高皇
帝卽位召授翰林國史編脩久之遷戶部侍郎太
史以少不習辭 上尙慰勞予金楮罷歸而會罷

紀錄彙編卷一百二十

十三

守魏觀脩齋閣成太史爲文記書邑臣告罷守觀
罪語連太史併逮腰斬時年三十九所著集行於
世

評曰悲哉乎元格下也太史因沿浸淫雖忽忽未
振而弘博凌厲殆駁駁正始一時宿將選鋒莫敢
橫陣格姑左次弗論評其辭快若迅鵲乘颺良驥
躡景麗若太陽朝霞秋水芙蓉縱負可點之瑕奚
廢連城之賞詞家射雕手也若使少就沈思兼反
古調豈出何邊下哉

孫山人一元

孫一元字太初莫知何許人也顧而微操秦音遂
謂關中人云向多游歷吳楚間至吳興娶施氏妻
之妹不久而卒所著詩集今行於世

評曰太初裔本王家跡托方外鶴瓢鐵笛白恰玄
巾嘯傲飄灑風神朗秀旣娶婚娶遂爾湮沒悲夫
悲夫詩如雪夜偏師間道入蔡母論必勝 已是
出奇文如鳴蜩伏蚓雖呼吸月露而身在槁壤信
乎有格哉

唐司諫順之

唐順之字應德武進人也舉進士高第爲翰林庶

紀錄彙編卷一百二十

十四

吉士授吏部主事已調官編脩其得累調也宰相
知之故乃司諫則故遠宰相私病歸久之 太子
立設置東宮官曹召補右春坊右司諫編脩如故
坐上書忤 天子意斥爲民不復用

評曰弘正間何李輩出海內學士大夫多師尊之
迨其習弊者音響足聽意調少歸剽竊雷同正變
雲擾太史稍振之爲初唐卽其宏麗該整咳唾金
璧誠廊廟之羽儀文章之瑚璉然欲盡廢二家之
業殆猶溺嗜海錯而廢八珍者也歸田以後又見
別紀

華學士察

華察字子潛無錫人也舉進士改翰林庶吉士授水部主事移病歸還補駕部進郎中屬新貴人用事多斥逐翰林儒臣而別有所進補因緣入爲脩撰稍遷侍讀久之進侍講學士視南院篆以給事御史論罷

評曰學士閤閱貴冑少都清顯廻翔秘苑雖適仕逕羈轄塵駕猶迷素質旣以薄讚焚魚迹惠山之禁典籍肆其菁華泉石縱其嗽枕刊洗浮靡獨秀本色如秋水涸天根露木葉脫明蟾出誠陶常

紀錄彙編卷一百二十

十五

之妙境蓋詩宗之玄解也惜才具稍乏七言微短天方假年昌大所就曷有旣哉

王裕州廷陳

王廷陳字稚欽黃州人也舉進士爲翰林庶吉士有才名而傲睨不檢爲衆所惡當授官吏部擬給事中上矣詔罷不用出爲裕州守又坐絃殺人下獄論城旦

評曰裕州縱性爲狂多才誤用投美璧於頑鑛點麗錦以青蠅踰冠登朝未立罷免旣不能謝跡塵軌棲神玄境又不能自勵絕翮章貴雲衢英氣徒

羽於眉宇激昂時出乎篇章如黃河下流迅決任性雲錦蕩漾風波激旋自無定則五言或繇感慨或近自然頗多佳境七言更無一章可謂才難矣楊脩撰慎

楊慎字用修新都人舉進士第一爲翰林脩撰久之以伏闕事下詔獄攷問杖朝堂幾死戍永昌三十餘年不得歸有集若干卷行於世

評曰脩撰筆任手運誦由目成翺翔中秘旣窮青藜之校流戍南滇遂肆朱鼎之識凡所取材六朝爲冠固一代之雄匠哉特其搜擷大饒格調時左

紀錄彙編卷一百二十

十六

繁飾人工或累天悟又其微廻多在長吉振奇之士卑其刻羽雕葉陋中之徒駭其牛鬼蛇神班郢之思獨苦膏肓之病難醫良可歎也

嚴少師嵩

嚴嵩字惟中分宜人舉進士爲翰林編脩遷侍讀累官少師太子太師吏部尚書華蓋殿大學士有鈴山堂集行於世

評曰嵩詩少年如碧荇依依水清石見春雲綴空濃淡有情惜氣格小緩結語意盡耳後不復點檢隨人得之豈廊廟泉石體裁自別耶抑所謂不復

唱渭城者耶

王太保廷相

王廷相字子衡儀封人舉進士爲給事中以言事謫召復拜監察御史再謫贛榆丞稍遷同知寧國罷累進四川按察使入爲兵部侍郎出行邊還擢南京兵部尚書理都察院滿九載加太子太保罷歸卒年七十餘有集行於世
評曰廷相渾渾如高麗使人抗浪意氣殊乏精韻
古詩歌行小勝近體

王僉事謳

紀錄彙編卷一百二十

十七

王謳字舜夫閩中人也風神散朗負氣豪俠舉進士爲工部主事遷刑部郎再遷按察僉事填宣府引疾歸卒年三十六有集若干卷行於世
評曰謳詩頗饒氣格兼多沉思惜其絕駁半之如披沙見金治璞取玉殊勞匠手

紀錄彙編卷之一百二十

明詩評二

王世貞

常評事倫

常倫沁水人二十舉進士有詩名而任俠好飲擊射爲一時冠授大理寺評事謫州倅稍遷爲守矣而與上官不相得坐論免歸評事嘗過掃其祖墓醉而衣紅袍佩刀馳馬度水馬顧影驚跌仆出於腹死年三十四

評曰倫詩如汗血名駒驕嘶自賞雖步驟未合而

紀錄彙編卷一百二十

十八

毛骨非凡見者知其千里

皇甫僉事渚

皇甫渚字子安長沙人舉進士爲禮部祠祭郎中改右春坊右司直郎左授大名通判稍遷浙江按察僉事復坐貶以死年四十九有集行於世

評曰渚以高第清曹競心傲習兩遭公議悒悒而沒詩如蜀綵吳葩爛爛郁郁得意處如玉盤露庸清甘可人七言衰弱更所不論

王檢討九思

王九思字敬夫舉進士爲翰林庶吉士授檢討久

之改吏部主事進郎中逆瑾敗以檢討鄉人也下遷壽州倅再論罷歸

評曰敬夫棲華禁署振策天曹連坐下遷躡履泉石康生同志多托新聲松麗藻之景抒凄鬱之抱按錦瀉珠良足悲賞詩格渾渾中歲傲何李如優孟孫叔容笑頗似暮年率易遂露本色

袁侍御凱

袁凱華亭人洪武中舉進士爲監察御史應對忤上旨托風疾求歸

評曰凱詩如兒鷹試風未成長已自縱快蘇李之

紀錄彙編卷一百二十

九

文

圖頗見風雅自燕之什忝閨房雖未登大曆之堂實已超宋人之乘至其玄覽先事夷跡藏身丘園削貴金石留響庶幾哉逸民之行歟

曹布政嘉

曹嘉字茂禮大梁人也舉進士爲翰林庶吉士以言事出補罷推官召復監察御史又以言事下獄謫判茂州累遷福建按察使以山西布政使罷嘉故李夢陽姊子有才名好聞無禮所至畏而避之

評曰嘉詩如公孫大娘弟子舞劍頗足奇勁見其

師者不覺愴然傲慢無禮所謂舜子不肖顧尚書璘

顧璘字華玉吳人舉進士爲南京吏部郎累遷開封守與中貴人忤左遷全州守再移台州仕至潮江布政使乞病歸以副都御史召撫楚擢南京刑部尚書罷歸卒年七十餘所著集行於世

評曰尚書器金瑚璉材懸綺繡束髮班行遂屈龍公之左珥管江表首馳三傑之目如春原盡花蘼邁錯離又如過雨殘荷雖復衰落尚有微情

王宮諭維禎

紀錄彙編卷一百二十

二十

張秀刻

王維禎關中人舉進士改翰林院庶吉士授檢討遷脩撰今爲右春坊右諭德視留院事

評曰宮諭高朗傑出刻意少陵一時藉甚之譽海內無幾宛轉屈曲旣乏天然粗重突兀良背人巧自負詩宗上乘永無改轍寬哉千餘年杜氏惜哉二十載王君彼逐影追聲之徒何足道哉

祝京兆允明

祝允明字希哲吳人也舉鄉試數上南宮不第什禍授南海令遷應天通判自免歸年六十九卒有集若十卷

評曰：允明書法雄勝滑稽，傲睨詩法六朝兼采，後代如五陵少年走馬峻壁，又如咸陽一炬玉石難辨，作小解雜劇頗累風人面目。諸他五七律未講開元大曆之間者也。

王太學寵

王寵字履吉，吳人。太學生，有集行於世。

評曰：履吉風流醞釀，詞翰珠璣，部使推許，聲名藉甚。累戰皆北，怵悒靡和，僅滿餽入太學，垂五十而歿。良可念哉！詩如「光祿宴使臣，餽飮嚴整不耐咀嚼，亦無珍貴，然以骨格差勝文生」。

紀錄彙編卷一百二十

王

同

陳提學束

陳束字約之，會稽人。諭冠擢上第，爲翰林庶吉士。何授禮部主事，改編脩以忤時宰，出湖廣僉事。進按察副使，視河南學政，尋卒。年三十餘。

評曰：束詩如十五六女子，容態楚楚，見人羞澁，又如織一段錦，非乏可觀，短俠不稱，雖噪一時之名，終睽百代之軌。

徐邑令獻忠

徐獻忠，華亭人。鄉貢，什禍令免歸。

評曰：獻忠詩法初唐，又多六朝語，雜組成章，積貝

爲飾，如入萬花之徑，終靡三山之骨。

施邑丞漸

施漸字子羽

評曰：漸詩如寒鴉數點，流水孤村，非不清絕，惜其景物蕭條，迫晚意盡，錢起「長卿之流，要當並轡耳」。

朱參政應登

朱應登字升之，寶應人。二十餘舉進士，爲戶部郎出守延平。久之擢陝西提學副使，雲南左叅政，罷歸。

評曰：應登詩於何李如桓宣武，似劉司空，無所不

紀錄彙編卷一百二十

王

恨

屠宮諭應竣

屠應竣字文升，平湖人。也舉進士，爲禮部祠祭郎中。改翰林脩撰，進侍讀，再遷太子諭德，以病乞假卒。年四十三。

評曰：宮諭輝發逸逸，藻思翩翩，汎瀾百氏之英，含咀六朝之俎，未加裁割，遽爾永統德謝冉牛，遂起斯人之歎。才同盧照亦諧赴水之徵。

袁提學泰

袁泰字永之，吳人也。舉進士高第，改翰林庶吉士。

授兵部主事公署火謫戍閩越赦歸起爲按察僉事視廣西學政歲餘移病乞休尋卒年四十有六評曰案詩如築室城邑位置整嚴終乏悠然之思又若麈魚入水圍圍未舒沼沼莽莽當讓關河之客

劉尚書崧

劉崧字子高 高皇初爲北平按察副使 召拜禮部侍郎遷吏部尚書致仕歸再起權國子司業卒

評曰崧詩如雨中素馨亦復嫣然情色俱勝若作紀錄彙編卷一百二十

寒梅老樹便自風骨其風人之穎出皇始之盛家也

劉司空麟

劉麟字元瑞安仁人也弱冠舉進士正德中由尚書郎爲紹興守有異政人謳思之遷山西按察使累官工部尚書乞致仕歸

評曰司空朗爽登朝榮躋八座急流勇退用諸素心煙霞之癖更多泉石之身難老其詩如癡女兒能織鴛鴦調未藝絕更繡鳳凰金無此鳥可羨一笑

楊按察基

楊基字孟載洪武中起家大官署令累遷按察適歸卒

評曰基詩如西湖柳枝綽約近人顛頓特甚情至之語風骨掃地

汪丞相廣洋

汪廣洋初事 高皇帝爲中書左丞相出行省參政 召拜御史大夫封忠勤伯復爲特進中書右丞相貶南海飲藥死

評曰丞相負排解之異才表磊落可稱偉氣作爲歌詩如振鐺生光跳珠呈曜格姑未論聲重一時矣

紀錄彙編卷一百二十

王博士偁

王偁字孟楊舉薦爲翰林博士從英國公平南交還坐怨望賞薄下獄死

評曰偁詩如塵中車但取馳騁未辨所載較之解生近似小勝竟以恃才傲橫羅讒口盆死囚獄良可傷也

陳山人鶴

陳鶴字九臯山陰人也世家武弁當受秩不可葛

巾布袍稱山人云

評曰陳生氣色高華風調鴻爽初鴻杜氏未由點化後入中書亦鮮悟解既寡全牛之語復乏半豹之黃春容乎短章寂寥乎大篇十室之肆庶其寶而

張脩撰泰

張泰字亨父大倉人舉進士爲翰林庶吉士授檢討累遷脩撰卒年四十有九所著集今行於世

評曰泰詩如飲醇醪甘鮮可口不耐咀嚼亦少筋骨間有一二清絕如曲澗流泉致長沙易殆猶甚

紀錄彙編卷一百二十

圭

光刻

謂彼精思不亦宜乎

劉中書彥昂

劉彥昂字以行鄱陽人事高帝爲中書典籤

評曰彥昂詩篇峻潔尤多樂府清絕之氣雖可觀淒楚之調爲尤甚既累簡質然亦非本語耳

偶吏目桓

偶桓字武孟太倉人爲荆門州吏目

殷教授奎

殷奎太倉人爲府教授

評曰二子金起名家共遵唐軌屹爾樹立卓然不

群吏目頗諧風格故多鴻爽之辭教授兼至才情尤工感愴之調誠吾邦之盛軌張陸之前驅也黃少詹佐

黃佐字才伯嶺南人舉進士高第爲翰林庶吉士授編脩遷廣西提學僉事歸太子立召爲左司

諫遷侍讀太子右諭德國子祭酒母喪服除拜

少詹事兼侍讀學士會吏部侍郎關佐意且得之而言者忌佐論罷所著集若干卷

評曰佐詩如刀家黠奴連車騎交守相揮散千金原非已業

紀錄彙編卷一百二十

瓦

熊侍御卓

熊卓字達選新喻人登進士爲監察御史正德初以黨人罷歸卒集今行於世

評曰侍御才短思苦所著不多見然風調秀質亦一時名手也如寒蟬乍鳴清楚之外更無別致耳

陸太常鈺

陸鈺字鼎儀大倉人舉進士會試第一廷試第

二爲翰林編脩遷脩撰滿考爲諭德進太常少卿翰林侍讀以疾歸卒

評曰鈺詩如噬乾肺少有風味殊難齟齬西涯稱

其有作必滯殫精劇不肯苟就然多晦澁之辭無取散尋之舊

康脩撰海

康海字德涵武功人也舉進士第一爲翰林脩撰以逆瑾鄉人故罷官有集行於世

評曰太史制策聲名傳溢海內竟以閹人之敗削籍歸耕沒齒爲錮頗效揚惲南山之田趙瑟秦聲倚歌擊筑詩如河朔丈夫鬚髯戟張借驅報仇人疑大俠與之周旋乃是酒肉傖父

唐解元寅

紀錄彙編卷一百二十

五七

唐寅字伯虎又字子畏吳人也舉鄉薦第一坐事除名

評曰寅實異才中道齟齬既伏吏議任誕以終詩火瀾初唐如郭杜春游金錢鋪埒公子調馬胡兒射雕暮年脫畧傲睨務諧俚俗西子蒙垢土南珠襲魚目狐白絡犬皮何足登牀據几爲珍重之觀哉

蔣叅政山卿

蔣山卿字子雲上元人也舉進士累官爲尙書郎上言事外謫復累遷隴守以叅政歸

評曰子雲負一時才名流麗清逸固是當家然乏沉雄之思售價自淺

林員外鴻

林鴻字子羽閩人也國初仕爲膳部員外郎

評曰子羽命才克裕標格華秀堤柳宮花之句至於拔名它作實多勝也

楊文貞士奇

楊寓字士奇名寓以字行廬陵人起家布衣爲王府審理副

文皇帝初擢編脩入內閣預機務遷翰林院學士兼左春坊左諭德輔

皇太子監國

紀錄彙編卷一百二十

五八

後累官少師兵部尙書華蓋殿大學士卒年八十諡文貞

評曰少師顏語妥協聲度和平如潦倒書生雖復酬酢馴雅無復生氣

蔡孔目羽

蔡羽字九達吳人也爲南京翰林孔目嘗薄火陵以爲不足瀟云

評曰九達少負燁藻踴躍登賢科老得微官婆娑留署詩如灌莽中薔薇一枝汀際小鳥娟然潔白至欲罵佛呵祖可謂蟬蛻撼樹矣

紀錄彙編卷之一百二十

明詩評三

王世貞

曾少詹祭

曾祭字子啟泰和人舉進士第一爲翰林院脩撰遷侍講再遷侍讀學士以史成擢左春坊大學士久之進少詹事卒年六十一有集行於世

評曰少詹詞鋒艷發如青萍倚天韻語清華若紅藻秀水天馬之歌援毫面試寶帶之錫同袍莫比又如封節度東征旌甲曳札衣裝鮮爛然多市人

紀錄彙編卷一百二十

元

世

堪戰者寡也

陸詹事深

陸深字子淵華亭人舉進士爲翰林編脩遷國子司業乞病歸出爲祭酒調同知延平府遷按察副使視山西學還復視浙江學累官四川左布政使入爲光祿卿改太常寺卿兼翰林學士進詹事府詹事罷歸卒

評曰詹事天才卓逸翰墨名家流輩見推彌布朝野詩如梨園小兒悉健華利所至動人第愧大雅亦短深趣

宋學士濂

宋濂字景濂金華浦江人元進士以文章名海內至正十七年大臣薦爲國史編脩固辭入龍門山著書 高皇定鼎金陵遣使聘至建禮賢館居之注遷翰林學士下授禮部主事轉國子司業復爲侍講學士進學士承旨致仕卒年七十二

王侍制禕

王禕字子充義烏人國初應召爲翰林國史編脩出判南康罷遷侍制使雲南仗節死

評曰二君名雄虎觀價重鷄林黼黻 皇猷明昌

紀錄彙編卷一百二十

三

泊藻一時文字之顯未覩厥敵初不以詩名然亦嚴整妥切文寔不太過之宋有子珩翰詞雋發泛駕之才汗血便隕薦紳悲憫之矣

劉布衣仔肩

劉仔肩字汝弼鄱陽人

劉布衣績

劉績字孟熙山陰人

評曰仔肩清麗頗識選體績更煜煜妍雅法長吉歌行雖有時譽終難名家

唐應奉肅